

610
1142
時方妙用卷二

問吳航陳念祖修園甫著

男元豹道彪占愚今校字
元犀道照靈石

一中腕留伏痰飲臂痛難舉手足不得轉移宜

指迷茯苓丸

六十

按痰飲之病最多胸脇疼、嘔逆、神識不清、及手足
臂痛皆是大抵痰爲陽邪隨氣所到其症變幻無
常凡苦辛酸鹹及竹瀝薑汁童便皂角芒硝之類
隨症可加入亦有虛者宜六君子湯桂苓甘米湯

腎氣丸。真武湯。小半夏倍加茯苓湯等。以扶元氣。
飲爲陰邪。唯停于心下。脇下。爲脹。爲咳。爲悸。爲眩。
冒。及溢於皮膚而爲腫。必以桂苓朮附。加生薑汁。
之類。使離照當空。而羣陰方能退避。若以地黃麥。
冬五味附。和其陰。則陰壅冲逆肆空。飲邪滔天。莫。
救矣。

咳嗽

咳嗽症。方書最繁。反啟人多疑之惑。其實不外虛實。
二症。實者外感風寒而發。虛者內傷精氣而生也。總。

不離乎水。飲金匱以小青龍湯加減五方。大有意義。小柴胡湯。自註云。咳嗽。去人參。加乾薑。五味子。人多順口。讀過余於此。悟透全書之旨。而得治咳嗽之秘鑰。因集溢未詳。大爲恨事。向著有金匱淺注等十種。言之不厭。於複業斯道者。請鑒予之苦心焉。

實症方

一外感風寒。內挾水飲。必咳嗽不已。兼見頭痛發熱。惡寒等症。若外感重者。宜香蘇飲加杏仁。防風各二錢。半夏。乾薑各一錢。五分。五味子。搗扁。細辛各

八分。水煎服。溫覆取微汗。外感輕者宜二陳湯加
細辛乾薑五味子杏仁前胡。若二症面目浮腫
俱加桑白皮三錢。葶藶子八分。微炒研末調服。
香蘇飲 三十五

二陳湯 八十二

一外感風寒咳嗽頗久。每喘兩脇牽痛。發熱者。或寒
熱往來者宜

逍遙散倍柴胡。加半夏乾薑各一錢半。五味子一
錢 四十八

一夏月傷暑咳嗽自汗口渴小便赤短宜

六一散滑石六錢甘草一錢加乾薑細辛五味子
各一錢水煎服

五十二

一秋間傷秋金燥氣皮毛洒淅惡寒寒已發熱漸生
咳嗽咳嗽不已漸至瀉利宜

瀉白散二劑合爲一劑去粳米加黃芩阿膠各一

錢五分乾薑一錢五味子細辛各五分水煎服此

方加減庸醫必駭其雜能讀孫真人書者方知從
五味子湯麥門冬湯二方得來也

八十六

已上咳嗽治之失法多至吐血癆傷

虛症方

一勞傷之人土氣日虛不能生金每致咳嗽惟補其中土則百病俱愈宜

六君子湯加乾薑一錢五分五味子細辛各八分水煎服方中雖有人參久咳肺燥之人不忌也二
一久嗽不已時見喘促者是肺腎俱虛天水不交之症宜

附子理中湯加茯苓四錢細辛五味子各八分阿

膠天門冬各三錢

一百零七

一咳嗽雖爲肺病其標在肺其本在腎腎具水火水虛者滋之宜猪苓湯服四五劑後卽服六味地黃丸加蛤蚧麥冬五味火虛者溫之宜真武湯去生薑加乾薑細辛五味子四五劑後卽服桂附地黃丸數方俱以利水爲主若讀張景岳書輩必謂補腎不可利水求正錄中有竇漏卮之喻而不知咳嗽必挾飲邪標在肺而本在腎天不連地而連水也今于水道一利則上干之水飲亦必下行源流

但清咳嗽自愈。經云：上焦如霧，中焦如漚，下焦如瀆。但得三焦氣化，水道通決，則雲行雨施，乾坤有一番新景象矣。

一經云：肺惡寒。又云：形寒飲冷則傷肺。仲景不用人參以參之性微寒也。然此爲新病而言。若久嗽之人，肺必乾燥，且以多咳而牽引諸火，而刑金。人參又爲要藥。如病在金臟者，宜清燥救肺湯。如病在水臟者，宜瓊玉膏。

一實症不可妄用虛症諸方，恐留邪爲患也。而虛症

定不可廢實症諸方。以咳嗽必有所致之者。溯其得病之由而治之。卽治本之法也。

喘促

喘者氣上衝而不得倚息也。有內外實虛四症。宜與痰飲咳嗽參看。外則不離乎風寒。內則不離乎水飲。實則爲肺脹。虛則爲腎虛。宜分別治之。

脈宜浮滑

忌短瀉

一外感風寒及傷暑傷燥方治詳於咳嗽門不贅。
一水飲之病小青龍湯爲第一方。若支飲內痛亦可。

暫用十棗湯。如因支飲滿而氣閉。氣閉則呼吸不能自如。宜用葶藶大棗瀉肺湯。今人畏不敢用。多致因循誤事。

一咳而上氣。爲肺脹。其人喘。目如脫。脈浮大者。用麻黃三錢。生石膏四錢。半夏二錢。甘草一錢。生薑一錢五分。大棗二枚。水二杯半。先煮麻黃去沫。人諸藥。煮八分。服日二服。卽愈。名越脾加半夏湯。或咳嗽甚而煩躁者。小青龍加生石膏四錢。一腎虛氣喘。方治詳於咳嗽門。不贅。

一黑錫丹爲氣喘必用之藥宜預製之以備急

一喘症起於七情氣逆者宜四磨飲起于痰喘脹滿者宜蘇子降氣湯一方爲喘症之良方

四磨飲二十九

蘇子降氣湯一十七

一聖濟總錄云枸杞湯治氣短方用枸杞四錢薑棗水煎服又云紫蘇湯治卒氣短方用紫蘇四錢陳皮一錢棗二枚水酒各半煎服○按二方同治氣短何以彼此懸殊而不知一治肺一治腎也肺主

出氣皮毛爲肺之合風寒客于皮毛則肺之竅道閉竅道閉則出氣不利而短故用紫蘇陳皮之辛以開之書中卒字一字大有意義腎主納氣腎虛則吸氣不能歸根而短故用枸杞之補腎精以損之與八味地黃丸同意但任專則效速所以舍彼而用此也

一過服辛燥等藥喘促愈盛者可用貞元飲然爲緩劑若痰多喘甚者大忌之

一喘氣諸家之說最雜近有張心在之論深合鄙意

余所以數千里而神交之也。心在云喘氣喘在口也。鼻息出入氣未始不至於口而專在口則喘矣。天氣通于鼻一呼一吸吐故而納新果順其常則出心肺而入肝腎脾居中而轉運。此句最精可以悟出絕妙治法何喘之有。唯鼻失其職或肺壅竅塞不能上達其氣復返心脾而出于口或肺虛力弱不能下引其氣止到心脾而出於口則喘作焉。皆肺之過也。至若氣短症鼻氣有出無人能呼而不能吸則責在肝腎之絕肺不任咎矣。

哮喘症

聖濟總錄名呷嗽咳而胸中多痰結於喉間偏與氣相擊隨其呼吸呀呷有聲用射干丸其方用射干半夏陳皮百部款冬花細辛乾老薑五味子貝母茯苓郁李仁各一兩皂莢刮去皮子炙五錢共爲末蜜丸桐子大空心以米飲下三十九一日兩服

脈喜浮滑

忌短牆代散

愚按哮喘之病寒邪伏於肺俞痰窠結於肺膜內外相應一遇風寒暑濕燥火六氣之傷卽發傷酒傷食

亦發動怒動氣亦發勞役房勞亦發一發則肺俞之
寒氣與肺膜之濁痰狼狽相依室塞關溢不容呼吸
而呼吸正氣轉觸其痰。軒胸有聲非泛常之藥所能
治故聖濟用前方之竣。然體實者可用若虛弱之人
宜用六君子湯料十兩加貝母二兩其研末以竹瀝
四兩生薑汁一兩和勻拌之又拌又晒以九次爲度
每服三錢開水送下以竹瀝薑汁可以透囊囊也然
內之濁痰蕩滌雖爲得法又必於潛伏爲接之處斷
其根株須用各家秘傳諸穴灸法如畏灸者宜於夏

月三伏中用張路王外貼藥末。余家傳有哮喘斷根

神驗藥散。

其方載於修園新技

八麝五分薑汁調塗肺俞膏肓

百勞等穴。塗後麻贅疼痛。切勿便去。候三柱香足。方去之。十日後塗一次。如此三次。病根去矣。哮喘辨症方治俱詳。痰飲咳嗽喘促三門不贅。

心腹諸痛

心爲君王之官。一痛手足青至節不治。俗謂心痛者。迺心胞絡痛。或胃脘痛也。昔人分爲九種。宜辨而治之。

曰氣痛脈沉而滿。通七情之氣鬱滯所致宜

七氣湯

五十四
微溫

百合湯

九十三
微涼

一曰血痛脈浮沉俱盛。其痛如刺。不可按。或寒熱

往來。大便黑。宜

失笑散

五十八

三一承氣湯

五十四○此方雖峻而痛甚。便閉者。按者。不得不用之。如桂枝湯。仁各三

一曰痰痛。即飲痛。脈滑。咳嗽。痛連脇下。或遊走無定。